

Sarajevo, 10.04.2020. godine

Broj: 2990/03/20

Na osnovu člana 16. Zakona o mikrokreditnim organizacijama („Službene novine Federacije BiH“, broj 59/06), člana 17. Zakona o mikrokreditnim organizacijama („Službeni glasnik Republike Srpske“, broj 64/06 i 116/11), člana 9. Zakona o zaštiti korisnika finansijskih usluga („Službene novine Federacije BiH“, broj 31/14), odredbi Odluke o minimalnim zahtjevima u pogledu sadržaja razumljivosti i dostupnosti općih i posebnih uslova poslovanja davaoca finansijskih usluga („Sužbene novine Federacije BiH“, broj 62/14) u vezi sa članom 3. Zakona o visini stope zatezne kamate („Službene novine Federacije BiH“, broj 18/20) i članom 3. Zakona o zateznoj kamati Republike Srpske („Službeni glasnik Republike Srpske“, broj 61/18) te na osnovu člana 26. Statuta Mikrokreditne fondacije „LOK“ Sarajevo, Direktor donosi

ODLUKU

Član 1.

U Opštim uslovima poslovanja Mikrokreditne fondacije „LOK“ Sarajevo broj 18102/03/ od 11.11.2014. godine (u daljem tekstu: Opšti uslovi poslovanja LOK MKF), na strani 6, u dijelu *Pravo LOK MKF na raskid ugovora o kreditu*, drugi paragraf, sljedeći tekst :

„...LOK MKF na iznos glavnog duga obračunava zateznu kamatu po stopi od 12 % godišnje, koja teče od trenutka pokretanja sudskog postupka pa do konačne otplate duga po kreditu. „
mijenja se i glasi :

„...LOK MKF na iznos glavnog duga obračunava zateznu kamatu za teritorij Federacije BiH 10 % godišnje i za teritorij Republike Srpske 10 % godišnje, a koja teče od trenutka procesuiranja kredita do konačne otplate duga po kreditu.“

U Opštim uslovima poslovanja LOK MKF, na strani 7, u dijelu *Pravo na prigovor*, treći paragraf, sljedeći tekst :

„U slučaju da je nezadovoljan odgovorom, korisnik kredita, sudužnik i/ili jamac može o tome obavijestiti ombudsmena nadležne agencije za bankarstvo i to na adrese: Agencija za bankarstvo FBiH, Koševo br.3, 71000 Sarajevo ili Agencija za bankarstvo RS, Vase Pelagića 11a, 78 000 Banja Luka.“

mijenja se i glasi:

„U slučaju da je nezadovoljan odgovorom, korisnik kredita, sudužnik i/ili jamac može o tome obavijestiti ombudsmena nadležne agencije za bankarstvo i to na adrese: Agencija za bankarstvo FBiH, Zmaja od Bosne br. 47b, 71000 Sarajevo ili Agencija za bankarstvo RS, Vase Pelagića 11a, 78 000 Banja Luka.“

Član 2.

U skladu sa izmjenama Opštih uslova poslovanja LOK MKF iz člana 1. ove odluke izvršit će se usklađivanje akata predviđenih Opštim uslovima LOK MKF i to Informacionog lista o uslovima i bitnim karakteristikama kredita (u daljem tekstu: Informacioni list) i Nacrta ugovora o kreditu, na način kako slijedi:

U Informacionom listu list, na 2. strani, u dijelu *Posljedice propuštanja izmirenja obaveza*, prvi paragraf, sljedeći tekst:

„...U slučaju da obavijest o raskidu proizvede pravno dejstvo, naplata će se vršiti prinudnim putem, aktiviranjem svih instrumenata datih za obezbjeđenje kredita i/ili sudskim putem, uz obračun zakonske zatezne kamate na iznos glavnog duga maksimalno po stopi propisanoj zakonom koja za teritorij Federacije BiH iznosi 12% godišnje i za teritorij Republike Srpske 18 % godišnje, a obračunava se od trenutka procesuiranja kredita do konačne otplate duga po kreditu.“

mijenja se i glasi:

„U slučaju da obavijest o raskidu proizvede pravno dejstvo, naplata će se vršiti prinudnim putem, aktiviranjem svih instrumenata datih za obezbjeđenje kredita i/ili sudskim putem, uz obračun zakonske zatezne kamate na iznos glavnog duga maksimalno po stopi propisanoj zakonom koja za teritorij Federacije BiH iznosi 10 % godišnje i za teritorij Republike Srpske 10 % godišnje, a obračunava se od trenutka procesuiranja kredita do konačne otplate duga po kreditu.“

U Informacionom listu, na 2. strani, u dijelu *Prigovor klijenta*, drugi paragraf, prva alineja , sljedeći tekst:

„- Agencija za bankarstvo Federacije Bosne i Hercegovine, sa sjedištem na adresi Koševo br.3, 71000 Sarajevo ili na e-mail adresu: agencija@fba.ba.“

mijenja se i glasi :

„- Agencija za bankarstvo Federacije Bosne i Hercegovine, sa sjedištem na adresi Zmaja od Bosne br. 47b, 71000 Sarajevo ili na e-mail adresu: agencija@fba.ba.“

U Nacrtu ugovora o kreditu, u članu 7., stav 5 , alineja 1, sljedeći tekst:

„- Agencija za bankarstvo Federacije Bosne i Hercegovine, sa sjedištem na adresi Koševo br.3, 71000 Sarajevo ili na e-mail adresu: agencija@fba.ba“

mijenja se i glasi:

„- Agencija za bankarstvo Federacije Bosne i Hercegovine, sa sjedištem na adresi Zmaja od Bosne br. 47b, 71000 Sarajevo ili na e-mail adresu: agencija@fba.ba“.

U Nacrtu ugovora o kreditu, u članu 8. stav 2. , sljedeći tekst:

„Kreditor upućuje učesnicima ugovorno-kreditnog odnosa pisanu opomenu-obavijest o raskidu Ugovora o kreditu što, zavisno od njihovog postupanja po opomeni-obavijesti, može dovesti do dospjeća kredita u cijelosti zajedno sa sporednim potraživanjima, u kojem slučaju se vrši naplata prinudnim putem, aktiviranjem svih instrumenata obezbjeđenja kredita i/ili sudskim putem, uz obračun zakonske zatezne kamate na iznos glavnog duga maksimalno po stopi propisanoj zakonom, koja za teritorij Federacije BiH iznosi 12 % godišnje i za teritorij Republike Srpske 18 % godišnje, a obračunava se od trenutka procesuiranja kredita do konačne otplate duga po kreditu.“

mijenja se i glasi :

„Kreditor upućuje učesnicima ugovorno-kreditnog odnosa pisanu opomenu-obavijest o raskidu Ugovora o kreditu što, zavisno od njihovog postupanja po opomeni-obavijesti, može dovesti do dospjeća kredita u cijelosti zajedno sa sporednim potraživanjima, u kojem slučaju se vrši naplata prinudnim putem, aktiviranjem svih instrumenata obezbjeđenja kredita i/ili sudskim putem, uz obračun zakonske zatezne kamate na iznos glavnog duga maksimalno po stopi propisanoj zakonom, koja za teritorij Federacije BiH iznosi 10 % godišnje i za teritorij Republike

Srpske 10 % godišnje, a obračunava se od trenutka procesuiranja kredita do konačne otplate duga po kreditu.“.

Član 3.

Služba za informatičku podršku dužna je da uputi dobavljaču softvera, koji ujedno isti i održava, zahtjev za implementaciju izmjena tekstova Nacrta ugovora o kreditu i Informacionog lista u i.mikro sistem te da izvrši objavu prečišćenog teksta Opštih uslova poslovanja LOK MKF na Intranetu, te je dužna da informiše Izvršnog direktora za kredite, Rukovodioca Službe za naplatu i pravnu podršku i Rukovodioca službe za kreditnu kontrolu i koordinaciju o završenoj implementaciji.

Služba za naplatu i pravnu podršku je dužna da, po završetku naloga iz stava 1. ovog člana, izvrši kontrolu implementiranih tekstova Opštih uslova poslovanja, Nacrta ugovora o kreditu i Informacionog lista, te je dužna da potvrdi tačnost istih Izvršnom direktoru za kredite, Rukovodiocu službe za kreditnu kontrolu i koordinaciju i Rukovodiocu Službe za informatičku podršku.

Član 4.

Ova odluka stupa na snagu danom donošenja.

Elma Čardaklija-Bašić, direktor

Dostaviti:

1. *Izvršni direktor za kreditne operacije*
2. *Služba za naplatu i pravnu podršku*
3. *Služba za kreditnu kontrolu i koordinaciju*
4. *Služba informatičke podrške*
5. *a/a*